

Publikashon di Konseho di Konsulta i Universidat
**Buki elektróniko riba temanan Instrukshon i
Derecho di Disolushon**

WILLEMSTAD – Komo Kolegio haltu di Estado, Konseho di Konsulta di Kòrsou (RvA), ke kontribuí na e debate enkuanto e relashon i outoridatnan dentro di e área polítiko na Kòrsou, i ademas den Reino Hulandes. Tokante esaki RvA huntu ku University of Curaçao Dr. Moises da Costa Gomez (UoC) a organisá 7 di novèmber 2018 un diskushon públiko den oula di universidat. Riba e temanan di e debate RvA den kolaborashon ku UoC a saka resientemente un buki elektróniko.

E título di e debate di eksperto tabata “Instrukshonnan i Derecho di Disolushon, Relashonnan mutuo riba nivel di pais i di Reino”. Prof. mr. Lodewijk Rogier i prof. dr. Arjen van Rijn a tene un introdukshon riba e tópikonan, sigui pa komentario di dos ko-referente, esta mr. Aubrich Bakhuis i prof. dr. Paul Bovend'Eert. E promé introdukshon su título tabata “E outoridat di gobièrnu di Reino den práktika pa duna instrukshon” i e di dos tabata “E Derecho di disolushon ligá ku e regla di konfiansa”. Despues di e charla di e kuater oradornan a tuma lugar un diskushon plenario riba e temanan di e debate di eksperto entre e oradornan i e demas presentenan. E moderadó dr. Jeffrey Sybesma a klousurá e enkuentronan ku un seri di puntunan di konklushon. Ku e publikashon di un buki elektróniko RvA tin komo meta pa amplia e kononsemente i vishon enkuanto aplikashon di e outoridat di gobièrnu di Reino pa duna instrukshon i e derecho di gobièrnu pa disolvé Parlamento i e posibilidat ku Parlamento tin pa manda un minister kas aseptando un moshon di deskonfiansa. Esaki lo por yuda pa prevení diferensianan di opinion sin tin nodi i generá mihó kompreshon mutuo, di moda ku e estado di derecho demokrátiko por funshoná mihó.

Por lesa e buki elektróniko riba e website di RvA: www.raadvanadvies.cw

Willemstad, 4 yanüari 2018

Na nòmber di visepresidente di Konseho di Konsulta,

señora mr. C.M. Raphaëla

Sekretario